

# Usah jadikan agama syarat pembebasan: PM

BH 16 JUL 2000

KUCHING: Datuk Seri Dr Mahathir Mohamad, berharap pemisah Islam di Pulau Jolo, Filipina, tidak melakukan pembebasan tebusan berdasarkan agama.

Perdana Menteri berkata, beliau tidak tahu sama ada tebusan yang dibebaskan setakat ini dibuat berdasarkan agama Islam.

Secara kebetulan dua tebusan yang dibebaskan beragama Islam, tetapi saya berharap ia tidak dibuat berdasarkan agama," katanya.

Beliau berkata demikian kepada pemberita ketika diminta mengulas pembebasan seorang lagi rakyat Malaysia, Abdul Jawan Selawat, menjadikan dua daripa-

da 21 tebusan yang diculik di Pulau Sipadan, 21 April lalu, dibebaskan oleh kumpulan itu.

Abdul Jawan, 38, anggota polis dari Semporna dibebaskan kelmarin, dengan dibawa dari sebuah kem Abu Sayyaf di Jo10 sebelum subuh oleh perantara ke bandar Zamboanga.